

## Član 5.

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 02-14-2371-1/14  
09. decembra/prosinca  
2014. godine  
Sarajevo

Ministar  
Mr. Adil Osmanović, s. r.

(SI-1371/14-F)

## KOMISIJA ZA VRIJEDNOSNE PAPIRE FEDERACIJE BOSNE I HERCEGOVINE

## 2761

Temeljem članka 13. Zakona o Komisiji za vrijednosne papire ("Službene novine Federacije BiH", br. 39/98, 36/99, 33/04, 92/13), članka 200. Zakona o upravnom postupku ("Službene novine Federacije BiH", br. 2/98 i 48/99), čl. 15. st. (2) Zakona o preuzimanju dioničkih društava ("Službene novine Federacije BiH", br. 7/06), Komisija za vrijednosne papire Federacije Bosne i Hercegovine, rješavajući po zahtjevu društva Lukas TP Nakić d.o.o. Široki Brijeg, na 423. sjednici održanoj 10.12.2014. godine, je donijela

### RJEŠENJE

- ODOBRAVA se tender ponuda za preuzimanje društva Leda d.d. Široki Brijeg, ul. Stjepana Radića 3., Široki Brijeg, sa podacima:
  - Registarski broj emitenta u registru kod Komisije: 01-666;
  - Iznos temeljnog kapitala emitenta: 2.865.230,00 KM
  - Nominalna vrijednost dionice emitenta: 10,00 KM;
  - Broj dionica emitenta: 286.523 redovnih (običnih) dionica;
  - Naziv i adresa ponuditelja: Lukas TP Nakić d.o.o. za unutrašnju i vanjsku trgovinu Široki Brijeg, skraćena oznaka firme: Lukas TP Nakić d.o.o. Široki Brijeg, Fra Dominika Mandića 19., Široki Brijeg;
  - Iznos dionica u vlasništvu ponuditelja: 284.713 ili 99,3683% dionica;
  - Iznos dionica koje su predmet tender ponude: 1.810 ili 0,6317% redovnih (običnih) dionica;
  - Ponuditeljeva cijena po jednoj dionici: 10,50 KM ili 105,00% nominalne vrijednosti dionice;
  - Svrha i ciljevi tender ponude: upravljanje poduzećem u pravcu njegovog razvoja i jačanja te uspostavljanja poslovne aktivnosti društva;
  - Izvori financiranja: izdvajanjem uz redovitog poslovanja društva Lukas TP Nakić d.o.o. Široki Brijeg;
  - Pregovori: "Dana 22.10.2014. g. ponuditelj je stekao 99,3683% dionica i samim tim je planirao preuzimanje društva i o istom su vođeni pregovori u smislu čl. 14. Zakona o preuzimanju dioničkih društava;
  - Društvo ovlašteno za prikupljanje ponuda: VGT Broker doo Visoko;
  - Mjesto prikupljanja ponuda: VGT Broker doo Visoko; Alaudin 3., Visoko;
  - Rok trajanja javnog poziva: 30 dana od dana objave tender ponude.
- Ponuditelj je obavezan u roku od 5 (pet) dana od dana prijema ovog rješenja, objaviti informaciju o tender ponudi na način propisan čl. 26. st. (1) Zakona o preuzimanju dioničkih društava ("Službene novine Federacije BiH", br. 7/06).
- Ponuditelj je dužan tender ponudu, jednovremeno sa objavljivanjem, dostaviti izravno burzi i emitentu na način

propisan čl. 26. st. (4) Zakona o preuzimanju dioničkih društava.

- Rješenje stupa na snagu danom donošenja.

Broj 04/1-19-305/14  
10. prosinca/decembra  
2014. godine  
Sarajevo

Predsjednik  
Komisije za vrijednosne papire  
Federacije Bosne i Hercegovine  
Mr. Hasan Čelam, v. r.

## 2762

Na osnovu člana 11. tačka 1) i člana 12. stav (1) tačka 5) i 6), a u vezi sa članom 13. Zakona o Komisiji za vrijednosne papire ("Službene novine Federacije BiH", broj 39/98, 36/99 i 33/04) i člana 270. stav (1) tačka b) Zakona o tržištu vrijednosnih papira ("Službene novine Federacije BiH", broj 85/08), Komisija za vrijednosne papire Federacije Bosne i Hercegovine na 423. sjednici, održanoj dana 10.12.2014. godine, donijela je

### PRAVILNIK

#### O DOPUNI PRAVILNIKA O EMISIJI VRIJEDNOSNIH PAPIRA

## Član 1.

U Pravilniku o emisiji vrijednosnih papira ("Službene novine Federacije BiH", broj 18/09, 87/10 i 112/12), u članu 16. iza stava (2) dodaje se novi stav (3) koji glasi:

- (3) Kod emisije dužničkih vrijednosnih papira, emitent na svojoj web stranici mora imati objavljen prospekt emisije sve do dospijeća emitovanih vrijednosnih papira, odnosno do isplate glavnice i kamate, te drugih prihoda od vrijednosnih papira u skladu sa odlukom o emisiji i prospektom.

## Član 2.

Iza člana 21. dodaje se novi član 21a., koji glasi:

- (1) Kod emisije dužničkih vrijednosnih papira, po njihovom dospijeću, emitent u roku od 15 dana Komisiji podnosi prijavu za brisanje emitovanih dužničkih vrijednosnih papira iz registra emitenata.
- (2) Uz prijavu iz stava (1) ovog člana, emitent Komisiji dostavlja dokaz o isplati glavnice i kamate, odnosno drugih prihoda od vrijednosnog papira u skladu sa odlukom o emisiji i prospektom.

## Član 3.

U članu 30. iza stava (1) dodaje se novi stav (2) koji glasi:

Kod emisije na osnovu pretvaranja zamjenjivih obveznica u dionice, shodno se primjenjuju odredbe kojima je propisana emisija iz vlastitih sredstava, osim odredbe čl. 163. Zakona o privrednim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07, 84/08, 88/08, 7/09, 63/10 i 75/13).

## Član 4.

U članu 40. iza stava (2) dodaje se novi stav (3) koji glasi:

Kod emisije dužničkih vrijednosnih papira, ugovorom između emitenta i banke depozitara detaljnije se uređuju pitanja u vezi načina svih isplata na koje imaju pravo vlasnici obveznica.

## Član 5.

Iza člana 47. dodaje se novi član 47a., koji glasi:

- (1) Banka depozitar sačinjava i dostavlja izvještaj Komisiji o poslovima iz člana 39. stav (2) ovog Pravilnika.
- (2) Izvještaj iz stava (1) ovog člana se dostavlja Komisiji u roku od sedam dana od okončanja svake isplate na koju imaju pravo vlasnici obveznica.
- (3) Izvještaj iz stava (1) ovog člana obavezno sadrži:
  - a) podatke o emitentu;

- b) podatke o vrijednosnom papiru po osnovu kojeg se vrši isplata (ukupan broj, nominalna vrijednost, stopa prinosa, datum dospijeća;
- c) opis dospijeća koje je isplaćeno po predmetnom poslu;
- d) ukupan iznos isplaćen imaojcima vrijednosnih papira po predmetnom poslu.

## Član 6.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Predsjednik

Broj 01-02-2423/14      Komisije za vrijednosne papire  
10. decembra 2014. godine      Federacije Bosne i Hercegovine  
Sarajevo      Mr. **Hasan Čelam**, s. r.

Na temelju članka 11. točka 1) i članka 12. stavak (1) točka 5) i 6), a u s vezi članka 13. Zakona o Komisiji za vrijednosne papire ("Službene novine Federacije BiH", broj 39/98, 36/99 i 33/04) i članka 270. stavak (1) točka b) Zakona o tržištu vrijednosnih papira ("Službene novine Federacije BiH", broj 85/08), Komisija za vrijednosne papire Federacije Bosne i Hercegovine na 423. sjednici, održanoj dana 10.12.2014. godine, donijela je

## PRAVILNIK O DOPUNI PRAVILNIKA O EMISIJI VRIJEDNOSNIH PAPIRA

## Članak 1.

U Pravilniku o emisiji vrijednosnih papira ("Službene novine Federacije BiH", broj 18/09, 87/10 i 112/12), u članku 16. iza stavka (2) dodaje se novi stavak (3) koji glasi:

- (3) Kod emisije dužničkih vrijednosnih papira, emitent na svojoj web stranici mora imati objavljen prospekt emisije sve do dospijeća emitiranih vrijednosnih papira, odnosno do isplate glavnice i kamate, te drugih prihoda od vrijednosnih papira sukladno odluci o emisiji i prospektu.

## Članak 2.

Iza članka 21. dodaje se novi članak 21a., koji glasi:

- (1) Kod emisije dužničkih vrijednosnih papira, po njihovom dospijeću, emitent u roku od 15 dana Komisiji podnosi prijavu za brisanje emitiranih dužničkih vrijednosnih papira iz registra emitenata.
- (2) Uz prijavu iz stavka (1) ovog članka, emitent Komisiji dostavlja dokaz o isplati glavnice i kamate, odnosno drugih prihoda od vrijednosnog papira sukladno odluci o emisiji i prospektu.

## Članak 3.

U članku 30. iza stavka (1) dodaje se novi stavak (2) koji glasi:

Kod emisije na temelju pretvaranja zamjenjivih obveznica u dionice, shodno se primjenjuju odredbe kojima je propisana emisija iz vlastitih sredstava, osim odredbe čl. 163. Zakona o gospodarskim društvima ("Službene novine Federacije BiH", broj 23/99, 45/00, 2/02, 6/02, 29/03, 68/05, 91/07, 84/08, 88/08, 7/09, 63/10 i 75/13).

## Članak 4.

U članku 40. iza stavka (2) dodaje se novi stavak (3) koji glasi:

Kod emisije dužničkih vrijednosnih papira, ugovorom između emitenta i banke depozitara detaljnije se uređuju pitanja u svezi načina svih isplata na koje imaju pravo vlasnici obveznica.

## Članak 5.

Iza članka 47. dodaje se novi članak 47a., koji glasi:

- (1) Banka depozitar sačinjava i dostavlja izvješće Komisiji o poslovima iz članka 39. stavak (2) ovog Pravilnika.
- (2) Izvješće iz stavka (1) ovog članka se dostavlja Komisiji u roku od sedam dana od okončanja svake isplate na koju imaju pravo vlasnici obveznica.
- (3) Izvješće iz stavka (1) ovog članka obvezno sadrži:
  - a) podatke o emitentu;
  - b) podatke o vrijednosnom papiru na temelju kojeg se vrši isplata (ukupan broj, nominalna vrijednost, stopa prinosa, nadnevak dospijeća;
  - c) opis dospijeća koje je isplaćeno po predmetnom poslu;
  - d) ukupan iznos isplaćen imateljima vrijednosnih papira po predmetnom poslu.

## Članak 6.

Ovaj Pravilnik stupa na snagu osmog dana od dana objave u "Službenim novinama Federacije BiH".

Predsjednik

Broj 01-02-2423/14      Komisije za vrijednosne papire  
10. prosinca 2014. godine      Federacije Bosne i Hercegovine  
Sarajevo      Mr. **Hasan Čelam**, v. r.

## USTAVNI SUD BOSNE I HERCEGOVINE

## 2763

Ustavni sud Bosne i Hercegovine u Velikom vijeću, u predmetu broj **AP 3183/11**, rješavajući apelaciju **Jasmina Šaljića**, na osnovu člana VI/3.b) Ustava Bosne i Hercegovine, člana 57. stav (2) tačka b), člana 59. st. (1) i (2) i člana 62. st. (1) i (5) Pravila Ustavnog suda Bosne i Hercegovine ("Službeni glasnik Bosne i Hercegovine" br. 22/14 i 57/14), u sastavu:

Valerija Galić, predsjednica  
Miodrag Simović, potpredsjednik  
Seada Palavrić, potpredsjednica  
Mato Tadić, sudija  
Mirsad Čeman, sudija  
Zlatko M. Knežević, sudija

na sjednici održanoj 6. novembra 2014. godine donio je

### ODLUKU O DOPUSTIVOSTI I MERITUMU<sup>1</sup>

Usvaja se apelacija **Jasmina Šaljića**.

Utvrđuje se povreda člana II/3.e) Ustava Bosne i Hercegovine i člana 6. stav 1. Evropske konvencije za zaštitu ljudskih prava i osnovnih sloboda.

Ukida se Presuda Kantonalnog suda u Sarajevu broj 65 0 P 042220 09 Gz od 10. juna 2011. godine.

Ostavlja se na snazi Presuda Općinskog suda u Sarajevu broj 65 0 P 042220 99 P od 3. aprila 2009. godine.

Odluku objaviti u "Službenom glasniku Bosne i Hercegovine", "Službenim novinama Federacije Bosne i Hercegovine", "Službenom glasniku Republike Srpske" i "Službenom glasniku Distrikta Brčko Bosne i Hercegovine".

### OBRAZLOŽENJE

## I. Uvod

1. Jasmin Šaljić (u daljnjem tekstu: apelant) iz Sarajeva, kojeg zastupa Azem Mehonić, advokat iz Sarajeva, podnio je 8. augusta 2011. godine apelaciju Ustavnom sudu Bosne i Hercegovine (u daljnjem tekstu: Ustavni sud) protiv Presude

<sup>1</sup> Odluka objavljena u "Službenom glasniku BiH", broj 95/14